

- Dat sibi; qua regi praeberet pocula vini.  
 240 Dat vel equum fortem, celerem nimis æquipedantem,  
 Auratum frenum pulchram faleramque gerentem,  
 Et dat loricam, tutus valeat fore per quam  
 In quovis bello communi sive duello.  
 Ensem vel galeam sibi lanceolam dat acutam.  
 245 Qui famulantur ei, donantur utrique clienti  
 Vests valde bonae semperque domi sibi rarae.  
 Insuper ad bella sibi congrua praestitit arma.  
 Misit praecones satrapas comitesque vocandos,  
 Ad curtem veniant quo regis, quam optime possint,  
 250 Et secum ferrent sibi quae vel equis opus essent  
 Ad tres ebdomadas secum seu plus remanendas.  
 Illuc pontifices invitantur sapientes,  
 Abbatesque pii scioli bene consiliari.

## III.

- 1 [Congr]egium lata curtis fuit amphiprehensa,      fol. 9a.  
 Quæ medio vacua, scenis foris undique septa,  
 Qua cum praesulibus abbatibus et duodenis  
 Posset prandere coenareve sat spatiose.  
 5 Curti contiguum stat tentorium satis amplum  
 Solis ad exortum, de quo posuere podismum,  
 Cujus ad extremum fixerunt papilionem,  
 In quo stans mensa vestita fuit velut ara,  
 Quam super est posita regis crux et diadema,  
 10 Qua missae regi solet officium celebrari  
 Matutinalis et vespertina synaxis  
 Cursibus inmixtis aliis de more diurnis.

6 bei *podismum* am rand die glosse *gang*. 11 bei *synaxim*  
 die glosse *cursus* vel *hora*.